

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
OPĆINA NOVI GRAD SARAJEVO
Općinsko vijeće

Broj: 01-02-12148/25
Sarajevo, 02.06.2025. godine

OPĆINA NOVI GRAD SARAJEVO OPĆINSKI NAČELNIK

PREDMET: Vijećnička pitanja i inicijative, dostavlja se

Na 8. radnoj sjednici Općinskog vijeća općinski vijećnici postavili su nekoliko vijećničkih pitanja odnosno pokrenuli su vijećničke inicijative sljedećeg sadržaja:

- a) Vijećničke inicijative

-vijećnica Elma Lindov -

1.INICIJATIVA ZA IZGRADNJU FITNES PARKA

Lokacija: Alipašino Polje – B faza, ulica Semira Frašte (iza brojeva 2 i 3)

Poštovani,

Ovim putem podnosimo inicijativu za izgradnju fitnes parka na postojećem, neiskorištenom prostoru koji se nalazi iza zgrada u ulici Semira Frašte, brojevi 2 i 3, na području Alipašino Polja – B faza.

Riječ je o relativno velikoj površini koja trenutno ne služi nikakvoj svrsi, a koja bi se uz minimalna ulaganja mogla pretvoriti u funkcionalan i koristan prostor za sve građane, a naročito za mlađu populaciju. S obzirom na sve izraženiju potrebu za promocijom zdravog načina života i fizičke aktivnosti, izgradnja fitnes parka na ovom mjestu bila bi izuzetno koristan i konkretan doprinos lokalnoj zajednici. Fitnes park bi uključivao:

- Ugradnju mekane, protuklizne i antistres podloge kako bi se spriječile eventualne povrede prilikom korištenja sprava
 - Postavljanje više elemenata za vježbanje na otvorenom (sprave za zgibove, razboj, sprave za trbušnjake, vježbe snage i fleksibilnosti itd.)
 - Informativne table sa uputstvima za korištenje sprava i osnovnim pravilima ponašanja
 - Po mogućnosti, postavljanje nekoliko klupa i kanti za otpatke radi održavanja urednosti prostora
- Ova inicijativa predstavlja kvalitetan i zdrav prijedlog koji bi omogućio stanovnicima, posebno mladima, da svoje slobodno vrijeme provode na konstruktivan način, u fizičkoj aktivnosti i druženju, što doprinosi kako individualnom zdravlju, tako i kvaliteti života cijele zajednice.

Stoga molimo nadležnu službu da ima sluha za ovu inicijativu i da poduzme potrebne korake kako bi se izgradnja fitnes parka realizovala u najskorijem vremenskom periodu.

2. INICIJATIVA ZA UGRADNJU INVALIDNIH RAMPI

Ulazi: Semira Frašte br. 13, 15 i 17 – Alipašino Polje, B faza

Ovim putem podnosimo inicijativu za postavljanje tri invalidne rampe na ulazima u stambene zgrade na adresama:

- Ulaz br. 13, ulica Semira Frašte

- Ulaz br. 15, ulica Semira Frašte
- Ulaz br. 17, ulica Semira Frašte

Naime, ovo je dugogodišnji zahtjev stanara navedenih zgrada, s posebnim naglaskom na potrebe osoba s invaliditetom, starijih osoba, kao i roditelja s dječijim kolicima, koji se svakodnevno suočavaju s velikim poteškoćama pri ulasku i izlasku iz zgrada. Trenutna infrastruktura nije prilagođena osobama s umanjenom pokretljivošću, što značajno utiče na kvalitetu njihovog života i kretanja.

Stoga apelujemo na nadležne institucije da ovu inicijativu razmotre u najkraćem mogućem roku i u skladu s mogućnostima planiraju, odobre i realizuju postavljanje rampi.

3. INICIJATIVA ZA IZGRADNJU I REKONSTRUKCIJU DJEČIJIH IGRALIŠTA - Alipašino Polje – B faza

Poštovani,

Ovim putem podnosimo inicijativu za izgradnju i potpunu rekonstrukciju dva dječija igrališta na području Alipašinog Polja – B faza u ulicama Semira Frašte iza broja 4 i 5 i Nerkeza Smailagića iza broja 1 i 2.

Trenutna igrališta koja se nalaze u ovom naselju su u izrazito lošem i zapuštenom stanju, što direktno utiče na sigurnost i kvalitetu vremena koje djeca provode na otvorenom prostoru.

Površina postojećih igrališta je uglavnom betonska, što značajno povećava rizik od dječijih povreda prilikom igre i pada. Pored toga, mobilijar je izuzetno oskudan, dotrajaao i nedovoljan za veći broj djece, a propratni elementi poput ljuljački, tobogana, penjalica i ostalih sadržaja za igru su minimalni ili potpuno neadekvatni.

Ovim putem molimo nadležnu službu da ima sluha za ovu inicijativu te da, u skladu s mogućnostima, hitno planira i realizuje:

- Potpunu rekonstrukciju postojećih igrališta
- Postavljanje sigurne, mekane podloge (poput gumirane ili druge antistres podloge)
- Nabavku i ugradnju novog i raznovrsnog mobilijara prilagođenog djeci različitih uzrasta
- Postavljanje zaštitne ograde i klupa za roditelje

Naša djeca zaslužuju siguran i podsticajan prostor za igru, druženje i razvoj. Ova inicijativa ima za cilj omogućiti našim najmlađima da više vremena provode napolju sa svojim drugarima, u zdravom i sigurnom okruženju, što je od izuzetne važnosti za njihov psihofizički razvoj.

Zahvaljujemo se unaprijed i nadamo se da će ova inicijativa naići na razumijevanje i biti realizovana u što kraćem vremenskom roku.

-vijećnica Selma Alić-

1.Kako sam vidjela u dostavljenom materijalu za predstojeću sjednicu odgovor je izostavljen na moju inicijativu, a vezano za stavljanje u funkciju protivpožarnog puta u sklopu Doma zdravlja Novi Grad. Samo stoji odgovor: ali teksta nema. Molim Vas za dopunu izastavljenog od strane nadležne službe.

2. Na osnovu kojeg pravilnika ili akta se vrši odabir članova komisije za tehnički prijem objekata na području Općine koji su zadovoljili tražene uslove Javnim pozivom. Zašto se dešava da pojedini članovi komisije budu pozvani na dvije do tri komisije, a neki na deset u istom vremenskom razdoblju.

3. Podnosim inicijativu za postavljanje korpi za otpatke koje će se redovno prazniti (što je dalje dogovor Općine i javnog preduzeća s kojim Općina potpiše dokument o navedenom) i postavljanje klupa za odmor na šetnici iz pravca Otoke prema RTV domu i dalje prema naselju Nedžarići uz desnu stranu šetnice ako gledamo iz pravca Centralnog dijela grada.

Obrazloženje

Navedena strana šetnice i biciklističke staze nema korpi za odlaganje otpada. Također klupa na toj strai ima jako malo. Kako je lijepo uređena strana uz rijeku Miljacku, potrebno i uređenje iz pravca Otoke prema naselju Nedžarići, za bolji ambijent i čišće šetnice našeg Novog Grada.

4. Podnosim inicijativu za rekonstrukciju igrališta vrtića „Anex“.

Obrazloženje

Uvidom u trenutno stanje potrebna je sanacija igrališta/dvorišta jer je trenutno nesigurno za igru malih djece koji borave u vrtiću.

5. Podnosim inicijativu za izgradnju parkinga u naselju Otoka na dijelu ulice Brčanska od broja 17 sve do parkinga iza ulice Žrtava Fašizma br.2. da se iskoristi površina cca 50 m², zatim na dijelu naselja iza ulice Brčanska 16 kod vrtića, kao što se napravio parking u „B fazi“ na sličnom principu.

Obrazloženje

Parking koji postoji nije dovoljan za naselje i stanovnici se nepropisno parkiraju te često druga vozila nemaju mogućnost prolaska. Drugi evidentan problem je što je na pomenutim površinama gdje nije predviđeno parkiranje zelena površina u tolikoj mjeri uzrumpirana da je došlo do njenog uništenja i sada čim padne manja količina kiše stvore se lokve i blato. Građani smatraju da bi bilo korisnije taj prostor iskoristiti za dogradnju parking mjesta, a okolno zelenilo bi naravno ostalo.

6. U kojoj fazi je građevinska i urbanistička dozvola za planirani projekat izgradnje otvorenog turbeta kod mezarja Ajkune Đerzelez i obilježje simbola nekadašnjih „Velikih drvet“.

-vijećnik Adi Škaljić-

Upućujem vijećničku inicijativu za postavljanje pješačkog prijelaza u ulici Semira Frašte broj 13, na 7. radnoj sjednici Općinskog vijeća Općine Novi Grad Sarajevo.

OBRASLOŽENJE: Ulica Semira Frašte je postala poznata po svojoj opasnosti za pješake zbog nedostatka pješačkih prijelaza. Kako bi se povećala sigurnost pješaka, predlažemo postavljanje pješačkog prijelaza u blizini džamije "Kralj Fahd". Ovaj pješački prijelaz bi omogućio lakši i sigurniji prelazak ulice, posebno za vjernike koji dolaze u džamiju. Nadam se da će lokalne vlasti prepoznati hitnost ove potrebe i poduzeti odgovarajuće mjere radi poboljšanja sigurnosti u ovoj saobraćajnoj tački.

-vijećnica Azra Čomor-

1. Inicijativa za proširenje ulaza u ulicu Vitkovac sa ulice Adema Buće.

Obrazloženje: Pokrećem inicijativu da se pokrenu aktivnosti na poslovima proširenja ulaza u ulicu Vitkovac sa ulice Adema Buće. Sa lijeve strane na ulazu u ulicu Vitkovac sa ulice Adema Buće nalazi se zarasli dio zelene površine korovom i šibljem, koji predstavlja smetnju prilikom ulaska u ulicu koja se sastoji od jedne saobraćajne trake, a s obzirom da je riječ o ulici koja je jedna od frekventnijih, zbog velikog broja automobila koji se kreću tom dionicom dolazi do situacija da se u strmom dijelu ulice automobil koji dolazi iz naselja mora vratiti do ravnog dijela ulice kako bi se dva automobila mimoila. Zbog prostorne mogućnosti i sredstava koja su minimalna za rješavanje ovog problema, molim vas da se pokrenu aktivnosti na proširenju ulaza u ulicu s čim bi se stanovnicima naselja olakšalo kretanje motornim vozilom, a samim tim i kretanje pješacima.

2. Inicijativa za sanaciju prokopa u ulici Potur Šahidijina iznad broja 63A

Obrazloženje: Pokrećem inicijativu da se od KJKP „Vodovod i kanalizacija“ traži hitna sanacija prokopa u ulici Potur Šahidijina iznad broja 63A. Naime duže od godinu dana na lokaciji je došlo do kvara na vodovodnoj mreži, koji je u prošlom mjesecu saniran, te je odmah nakon sanacije kvara u roku od 24 sata firma OXA izvršila sanaciju prokopa, nakon čega je u narednih par dana došlo do propadanja i prokopa i površine oko istog, te se stvorilo veliko oštećenje na asfaltnoj površini na dijelu saobraćajnice koja povezuje naselje Boljakov Potok i Briješće i koja je jedna od frekventnijih ulica na području naselja. Više puta građani pomenute ulice obraćali su se nadležnom KJKP „Vodovod i kanalizacija“ međutim isti nisu pokrenuli aktivnosti na sanaciji prokopa.

-vijećnica Anela Šiljević-

1. Problem vodosnabdijevanja u ulici Kralja Stjepana Tomaševića – mjesna zajednica Briješće
Poštovani,

na osnovu učestalih pritužbi građana koji žive u ulici Kralja Stjepana Tomaševića, koja se prostire iznad gradske deponije i spušta prema naselju Briješće, podnosim vijećničko pitanje u vezi sa hroničnim problemima u vodosnabdijevanju tog područja. Prema informacijama sa terena, stanovnici ove ulice tokom toplijih mjeseci ostaju bez vode ili imaju izrazito slab pritisak, što im značajno otežava svakodnevni život.

Posebno želim naglasiti da imamo informaciju da su u prethodnom periodu navodno već bila izdvojena određena sredstva za poboljšanje vodosnabdijevanja na ovom području, ali da prema riječima mještana do danas nije poduzeta nijedna konkretna mjera.

Stoga molim da mi u okviru vijećničkog pitanja dostavite sljedeće:

1. Da li je Općina Novi Grad evidentirala ovaj problem u planovima za unapređenje vodne infrastrukture?
2. Da li su KJKP Vodovod i kanalizacija Sarajevo i Ministarstvo komunalne privrede, infrastrukture i prostornog uređenja KS upoznati s navedenim problemom?
3. Da li su u prethodnim budžetima za ovo područje bila planirana ili izdvojena sredstva, i ako jesu – gdje su ta sredstva realizovana?
4. Postoji li u planu kapitalnih ulaganja za 2025. ili 2026. godina izgradnja dodatnog rezervoara, pojačanje mreže ili drugo trajno rješenje?
5. Može li Općina Novi Grad pokrenuti inicijativu prema KJKP ViK i resornom ministarstvu za hitno djelovanje?

S obzirom na to da se radi o osnovnoj životnoj potrebi i dostojanstvu građana, očekujem da se ovo pitanje razmotri prioritarno i da mi se dostavi pisani odgovor u zakonskom roku.

2. Inicijativa za sanaciju kanalizacione mreže i odvoda u ulicama Vejčila Čurčića i Kodžina

Na osnovu dopisa građanina Sulejvića Bećira i uvida u stanje na terenu, podnosim inicijativu kojom tražim od nadležnih službi Općine Novi Grad da hitno ispituju i saniraju kanalizacioni i oborinski sistem u dijelu koji povezuje ulicu Vejčila Čurčića i Kodžinu.

Na lokaciji kod broja 18 u Kodžinoj ulici sastaje se splet kanalizacionih cijevi i slivnih odvoda, a iz pravca ulice Vejčila Čurčića kod broja 30 prema Kodžinoj dolazi i dodatni tok sa fi 200 mm koji se ulijeva u postojeći sistem. Istovremeno, iz pravca broja 123 u Vejčila Čurčića ulazi cijev fi 300 u ulicu Kodžina kod broja 32.

Problem nastaje u uskom spoju (tzv. grlu) gdje dolazi do prevelikog pritiska vode, naročito prilikom obilnijih padavina, zbog čega dolazi do čestog izlivanja i oštećenja kolovoza. Građani upozoravaju da se voda slijeva iz viših tačaka (posebno iz smjera broja 4 i 103) prema broju 18, uzrokujući pucanje asfalta.

Predlaže se da se od broja 18 u Kodžinoj ulici postavi nova linija cijevi prema glavnom kolektoru, minimalnog promjera fi 800, kako bi se rasteretio pritisak i spriječile daljnje štete.

Ova inicijativa ima za cilj zaštitu imovine građana, prevenciju šteta na putnoj infrastrukturi i uspostavljanje funkcionalnog sistema oborinske i kanalizacione odvodnje.

-vijećnik Dino Okerić-

Podnosim inicijativu za sljedeće:

- da službe u najkraćem roku pristupe izradi izmjena svih odluka na osnovu kojih se raspisuje javni pozivi za dodjelu budžetskih sredstava, te iste uskladi sa odredbama Smjernica o minimalnim standardima dodjele budžetskih sredstava putem transfera i subvencija u FBiH, koje se shodno primjenjuju na niže nivoe vlasti. Same smjernice su pripremljene od strane Federalnog ministarstva finansija i objavljene su u Službenim novinama FBiH broj 37/24, te je njihova svrha transparentno

raspolaganje budžetskim sredstvima sa jasno definisanim kriterijima, posebno sa aspekta raspisivanja javnih poziva i sastava komisija.

- svaki grant, poticaj, pomoć ili bilo koje davanje iz budžeta mora biti usklađeno sa odredbama naprijed navedenog dokumenta
- primjenom ovih smjernica podsticemo principe zakonitosti, transparentnosti i jednakopravnosti aplikacija.

-vijećnica Armela Humić -

1. Inicijativa za rekonstrukciju ulice Prijedorska 11A u blizini Amko komerca u naselju Aneks
Ulica Prijedorska u kojoj se nalazi Amko komerc je u izuzetno lošem stanju s obzirom da je pola asfalta popucalo i samim tim je otežano kretanje ljudi kao i upravljanje automobilima. S obzirom da je navedeno područje vrlo prometno samim tim bi i rekonstrukcija iste znatno poboljšala način života kako lokalnog stanovništva tako i svih ostalih građana koji dolaze i svrcaju u taj dio. Jedan od problema jesu i parking mjesta u ovoj ulici pa bi jedno od rješenja moglo biti da se ovaj dio označi kao jednosmjerna ulica kako bi se druga strana mogla označiti za parking mjesta.

2. Inicijativa za izradu projektne dokumentacije ulice Jajačka od broja 2 do broja 50
Ovim putem podnesem zelim da podnesem inicijativu za izradu projektne dokumentacije ulice Jajačka od broja 2 do broja 50 jer se navedena ulica nalazi u jako teškom stanju. Dugi vremenski period stanovnici ovog područja imaju problem prilikom kretanja pogotovo u zimskom periodu zbog popucale ceste i rupa. Grtalica ne može proći zbog toga što je ulica uska pa bi rekonstrukcija i popravak iste dosta olakšao način života.

3. Inicijativa za postavljanje ogledala na raskrsnici ulice Abdurahmana. Sirrije broj 1 i Vrbovska
Raskrsnica koja spaja ulice Abdurahmana, Sirrije i Vrbovska već duži vremenski period su izuzetno prometne i samim tim otežavaju izlazak auta iz iste. Građanima bi postavljanje dva ogledala znatno olakšalo izlazak iz ulica i spriječilo neželjene posljedice. Na pomenutom prostoru se nalazi već jedno ogledalo koje pokazuje smjer jedne ulice pa je shodno tome potrebno postaviti još dva kako bi problem u potpunosti bio riješen.

-vijećnik Bojan Vučković-

1. Izgradnja igrališta na prostoru iza OŠ „Aneks“.

Obrazloženje:

Svi znamo koliko je u današnje vrijeme, kada djeca sve više sjede pred računarima i mobitelima bitno da imaju fizičku aktivnost kada je to god moguće, ne samo u sportskim klubovima, već također i za vrijeme nastave (školskih odmora), a i nakon. Osnovna škola „Aneks“ nema u svom dvorištu školsko igralište mada za isto postoji adekvatan prostor iza škole (slike trenutnog stanja u prilogu).

Stoga upućujem inicijativu da se razmotri mogućnost stavljanja ovog itekako adekvatnog a potpuno neiskorištenog prostora u funkciju za prethodno istaknutu namjenu.

2. Vađenje posjećenog drveća na parking u ulici Antuna Branka Šimića, Staro Hrasno

Obrazloženje:

U ulici Antuna Branka Šimića, nakon što su posječena stabla (na 2 mjesta) koja se nalaze uz parking, ostali su i dalje panjevi koji onemogućavaju parkiranje automobila tj. dva moguća parking mjesta ostaju neiskorištena. Svi smo svjedoci problema sa nedostatkom parking mjesta te je svako dobijeno dodatno mjesto bitno.

Stoga upućujem inicijativu da se ovi panjevi izvade iz zemljišta te da naselje dobije dodatna 2 mjesta.

-vijećnica Aida Ožegović-

Inicijativa za hitnu analizu kvaliteta vode rijeke Dobrinje

Obrazloženje:

U posljednje vrijeme sve je više prijava i zabrinutosti građana naselja uz rijeku Dobrinju, koji ukazuju na moguće zagađenje vode, pojavu neprijatnog mirisa i promjene u boji i čistoći korita. Imajući u vidu da rijeka Dobrinja protiče kroz naseljeno područje i da potencijalno utiče na lokalni ekosistem, zdravlje građana, kao i na ukupnu kvalitetu života u okolini, smatram da je neophodno hitno djelovati.

Predlažem da se:

1. Zadužiti nadležnu općinsku službu i/ili javno preduzeće da u saradnji s akreditovanom laboratorijom provede kompletnu hemijsku i mikrobiološku analizu vode iz rijeke Dobrinje, na više lokacija duž toka rijeke.
2. Rezultati analize budu javnosti dostupni putem službene web stranice općine.
3. Na osnovu nalaza, po potrebi se pokrenu daljnji koraci – uključujući sanaciju, kontrolu izvora zagađenja ili kontaktiranje viših nivoa vlasti.

-vijećnik Almir Maslo –

1. Inicijativa-rekonstrukcija javne rasvjete u ulicama Sulejmana Filipovića I Trg Grada Prato

Ovim putem želim podnijeti inicijativu za rekonstrukciju javne rasvjete u ulicama naselja Dobrinja V, tačnije u ulicama Sulejmana Filipovića i Trg Grada Prato, obzirom na ozbiljan problem dotrajale rasvjete koja u značajnoj mjeri smanjuje sigurnost i kvalitet života stanovnika ovog naselja.

Trenutno stanje javne rasvjete u navedenim ulicama je izuzetno loše i može se opisati kao gotovo nepostojeće. Ove ulice su veoma frekventne, kako u pogledu saobraćaja vozila, tako i u pogledu pješačkog saobraćaja, jer mnogi građani, a naročito djeca, svakodnevno koriste ove ulice na putu prema školama. Također, u naselju se nalaze dvije garaže KJKP RAD, čija prisutnost dodatno povećava frekvenciju saobraćaja, što čini hitnom potrebu za poboljšanjem vidljivosti i sigurnosti na tim ulicama. S obzirom na sve navedeno, smatram da bi obnova javne rasvjete u ovom naselju bila od izuzetnog značaja za povećanje sigurnosti svih učesnika u saobraćaju, posebno djece koja svakodnevno koriste ove ulice, te predlažem da se ove ulice što prije uvrste u program rekonstrukcije javne rasvjete.

2. Rekonstrukcija kraka ulice Branislava Nušića od broja 134 do broja 179

Ovim putem podnosim inicijativu za hitnu rekonstrukciju kraka ulice tačnije ulaz sa transferzale Mihaela Šumahera prema naselju Dobrinja V, s posebnim naglaskom na njeno trenutno katastrofalno stanje i ozbiljnu ugroženost sigurnosti svih učesnika u saobraćaju, a naročito pješaka i djece.

Naime, navedena ulica se trenutno nalazi u izrazito lošem stanju. Cesta je nepregledna, prepuna udarnih rupa i izdignutih ili potonulih šahtova, što značajno otežava saobraćanje. Pored toga, ulica nije opremljena pješačkom stazom, što onemogućava sigurno kretanje pješaka. Zbog toga su pješaci, a naročito djeca koja svakodnevno koriste ovu ulicu na putu prema O.Š. Čamil Sijarić, primorani da se kreću kolovoznom trakom, čime je stalno ugrožena njihova sigurnost. Uzimajući u obzir sve ove probleme, kao i činjenicu da je novim priključkom na transferzalu Mihaela Šumahera u značajnoj mjeri uvećan intenzitet saobraćaja, trenutni uvjeti u ulici ne ispunjavaju ni minimum sigurnosnih standarda za sigurno odvijanje saobraćaja. Također, ulica nema adekvatnu javnu rasvjetu, što dodatno povećava rizik od nesreća, posebno u večernjim i noćnim satima. S obzirom na sve ove okolnosti, smatram da je nužno izvršiti totalnu rekonstrukciju ove ulice, uključujući:

Popravku kolovoza i sanaciju udarnih rupa i šahtova, Izgradnju pješačke staze kako bi pješaci, a naročito djeca, mogli sigurno koristiti ulicu, Postavljanje odgovarajuće javne rasvjete kako bi se osigurala bolja vidljivost i sigurnost, Unapređenje infrastrukture u skladu sa povećanim intenzitetom saobraćaja zbog priključka na transferzalu Mihaela Šumahera. Uzimajući u obzir važnost ove ulice za svakodnevni život i sigurnost građana, molimo vas da razmotrite ovu inicijativu i poduzmete hitne mjere kako bi se riješio trenutni problem. Sigurnost svih učesnika u saobraćaju, a posebno djece koja koriste ovu ulicu, mora biti prioritet.

3. Izrada projektne dokumentacije za natkrivanje bazena na Dobrinji

Bazen otvorenog tipa Dobrinja je Zaista projekat koji je ponos Novog Grada, jer njegov značaj za našu opštinu je od neprocjenljive vrijednosti, ali smatram da bi se taj značaj i sama funkcionalnost znatno povećala njegovim natkrivanjem te stoga podnosim inicijativu za izradu projektne dokumentacije za natkrivanje bazena na Dobrinji.

Natkrivanjem bazena omogućilo bi se :

- Cjelogodišnje korištenje bazena bez obzira na vremenske uvjete;
- Unapređenje sportskih programa za plivačke klubove i druge korisnike;
- Provođenje školskih programa obuke neplivača tokom cijele školske godine;

- Povećanje Prihoda i smanjenje sezonske neaktivnosti objekta;
- Stvaranje dodatnih radnih mjesta i mogućnosti za turističku ponudu izvan sezone;

S obzirom na sve navedeno predlažem da se u okviru planiranja budžeta za sljedeću godinu uvrsti izrada studija izvodljivosti, projektne dokumentacije i osiguranje finansijskih sredstava

-vijećnik Adis Šahmanija-

1. Podnosim inicijativu da se sva skloništa na Dobrinji i Alipašinu Polju dovedu u funkcionalno stanje.
2. Podnosim inicijativu za asfaltiranje i postavljanje rasvjete u ulici Mihaljevska od broja 145 do broja 171.
3. Podnosim inicijativu za pokretanje procedure za izgradnju autobusnog stajališta u Rajlovcu (prije spoja ulice Safeta Zajke i Senada Čolića).

-vijećnik Vernes Ćosić-

1. Upućujem vijećničku inicijativu za izgradnju asfaltiranog prilaza građanima parkingu na Alipašinom Polju, na 7. radnoj sjednici Općinskog vijeća Općine Novi Grad Sarajevo.

OBRAZLOŽENJE:

Potrebno je u što kraćem roku krenuti sa izgradnjom asfaltiranog prilaza parkingu koji će doprinijet građanima naselja Alipašinog Polja važan korak prema unapređenju sigurnosti, kvalitete života, ekonomske efikasnosti i ekološke održivosti. Kroz poboljšanje infrastrukture, ovaj projekt donosi širok spektar benefita koji će dugoročno koristiti svim stanovnicima naselja.

2. POSTAVLJANJE TRI INALIDSKA PARKING MJESTA NA KRAJU ULICE VAHIDE MAGLAJLIĆ

Obrazloženje prijedloga inicijative:

U ovoj ulici žive najmanje tri osobe sa invaliditetom. Postojanje ovih mjesta zbog udaljenosti u velikoj mjeri bi im olakšalo život.

3. INICIJATIVA SANACIJU POSTOJEĆEG I DODAVANJE NOVOG MOBILIJARA U DJEČIJEM IGRALIŠTU NA DOBRINJI U ULICI HABIBE STOJČEVIĆ

Obrazloženje prijedloga inicijative:

U ovom djelu Dobrinje pored ovog postoji improvizacija od dječijeg parka, odnosno postavljen je određeni mobilijar na betonsku površinu. Postojeći park je u lošem stanju i stalno izložen dodatnoj devastaciji. Velikom broju porodica koji žive u ovom djelu naše općine neophodan je ograđen i sa bogatim mobilijarom uređen park koji bi pružio njihovoj djeci siguran kutak za bezbrižnu igru.

4. INICIJATIVA ZA OGRAĐIVANJE,SANACIJU POSTOJEĆEG I DODAVANJE NOVOG MOBILIJARA U DJEČIJEM IGRALIŠTU NA DOBRINJI IZA ULICE DOBRINJSKE BOLNICE

Obrazloženje prijedloga inicijative:

U ovom djelu Dobrinje pored ovog postoji improvizacija od dječijeg parka,odnosno postavljen je određeni mobilijar na betonsku površinu.Postojeći park je u lošem stanju i stalno izložen dodatnoj devastaciji.Velikom broju porodica koji žive u ovom djelu naše općine neophodan je ograđen i sa bogatim mobilijarom uređen park koji bi pružio njihovoj djeci siguran kutak za bezbrižnu igru.

5. INICIJATIVA ZA OGRAĐIVANJE,SANACIJU POSTOJEĆEG I DODAVANJE NOVOG MOBILIJARA U DJEČIJEM IGRALIŠTU NA DOBRINJI IZA TRGA BOSANSKOG SABORA I MIROSLAVA KRLEZE

Obrazloženje prijedloga inicijative:

U ovom djelu Dobrinje pored ovog postoji improvizacija od dječijeg parka,odnosno postavljen je određeni mobilijar na betonsku površinu.Postojeći park je u lošem stanju i stalno izložen dodatnoj devastaciji.Velikom broju porodica koji žive u ovom djelu naše općine neophodan je ograđen i sa bogatim mobilijarom uređen park koji bi pružio njihovoj djeci siguran kutak za bezbrižnu igru.

6. Upućujem vijećničku inicijativu za sanaciju i rekonstrukciju tribina i košarkaškog terena na Alipašinom Polju u B fazi, na 7. radnoj sjednici Općinskog vijeća Općine Novi Grad Sarajevo.

OBRAZLOŽENJE:

Već duži niz godina tribina i košarkaški teren na Alipašinom Polju u B fazi se nalazi u lošem tanju koji je u potpunosti nepogodan za korištenje. Potrebna je uraditi sanaciju i rekonstrukciju tribina i košarkaškog terena jer su oni važan korak prema unapređenju sigurnosti, zdravlja, socijalne povezanosti i opće kvalitete građana. Kroz ovaj projekat naselje će dobiti sigurno, funkcionalno i atraktivno mjesto za rekreaciju, što ima dalekos

7. POSTAVLJANJE ZAŠTITNE OGRADE U KORITO RIJEKE DOBRINJE ISPOD SREDNJE ŠKOLE

Obrazloženje prijedloga inicijative:

Realizovanjem ove inicijative povećala bi se sigurnost djece koji ovaj put prolaze prilikom odlaska u školu.

-vijećnik Jasmin Smječanin -

Pokrećem inicijativu da se uvede ovjera dokumenata po mjesnim zajednicama, po principu kako je to urađeno na Dobrinji, i to na način da se za tri mjesne zajednice odredi mjesto gdje bi građani mogli ovjeravati dokumente mimo zgrade Općine Novi Grad Sarajevo.

-vijećnik Mirza Memišević-

1.Inicijativa za obnovu garaža u naseljima Dobrinja i Saraj Polje

Upućujem inicijativu kojom tražim od Vlade Kantona Sarajevo i preduzeća KJKP 'Rad' d.o.o., koje je nadležno za upravljanje ovim objektima, da se hitno pristupi obnovi garaža u naseljima Dobrinja i Saraj Polje. Garaže su u izrazito lošem stanju – prokišnjavaju, što dovodi do oštećenja vozila, a vizuelno izgledaju kao da je agresija tek završena. Takvo stanje narušava svakodnevni život stanovnika i ostavlja poraznu sliku o brizi nadležnih za komunalnu infrastrukturu. Potrebna je temeljita sanacija i modernizacija.

Inicijativa za obnovu dječijeg igrališta vrtića 'Dunje'

2.Podnosim inicijativu kojom tražim hitnu obnovu dječijeg igrališta u sklopu vrtića 'Dunje'. Igralište je u izuzetno lošem stanju – podloga je dotrajala, a sprave su oštećene. Predlažem kompletnu sanaciju i postavljanje nove opreme.

3.Inicijativa za kontrolu radova na parcelama (Bačići, Mojmiło, Buća Potok)

Upućujem inicijativu kojom tražim analizu radova izvođača angažiranog za oranje i frezanje parcela Ipke su građanima dodjeljenje na korištenje za sijanje. Građani su dostavili pritužbe da radovi nisu kvalitetno izvedeni, a da je izvođač naplatio značajna sredstva. Predlažem obustavu isplate za nekvalitetan rad i zabranu apliciranja izvođaču uбудuće.

Inicijativa za obnovu terena kod dvorane 'Srce'

4.Tražim hitnu obnovu fudbalskog terena kod dvorane 'Srce'. Teren je oštećen, pojedini dijelovi potpuno uništeni. Potrebna je minimalna ili potpuna obnova trave i postavljanje LED rasvjete.

Inicijativa za sanaciju rešetki za odvodnju – Trg Solidarnosti 23 i 25

5.Upućujem inicijativu za hitnu sanaciju rešetki za odvodnju koje su oštećene i van ležišta, što predstavlja opasnost za pješake. Potrebna je zamjena rešetki i sanacija oštećenih pločnika.

6.Inicijativa za saobraćajno ograničenje – C faza Alipašino Polje

Na prijedlog sugrađana tražim da se u C fazi Alipašinog Polja uvede ograničenje brzine 30 km/h i postavi odgovarajuća signalizacija, zbog sigurnosti djece i starijih građana.

7.Inicijativa za sigurnost u ulici Sulejmana ef. Musića

Zbog blizine škole, predlažem postavljanje vibracionih traka, “ležećih policajaca” i svjetlećih oznaka koje upozoravaju na prisustvo djece.

8.Vijećničko pitanje: uplata rente za OŠ 'Aleksa Šantić'

Kada će Ministarstvo za odgoj i obrazovanje KS izvršiti uplatu rente za izgradnju fiskulturne sale i dodatnih učionica u Osnovnoj školi 'Aleksa Šantić'? Molim da se obezbijedi pisani odgovor sa okvirnim vremenskim planom.

-klub vijećnika SDA –

Klub vijećnika Stranke demokratske akcije podnosi vijećničku inicijativu kojom zahtijeva da nadležne općinske službe hitno reagiraju i osiguraju sredstva za sanaciju prostorija Udruženja Prve dobrinjske brigade, koje su u posljednje dvije godine tri puta bile pogođene poplavama.

Zbog navedenih poplava pričinjena je znatna materijalna šteta, što je direktno uticalo na rad i funkcionisanje ovog značajnog udruženja. Udruženje Prve dobrinjske brigade ima izuzetnu historijsku i društvenu vrijednost za našu zajednicu, te kroz svoj rad aktivno doprinosi očuvanju sjećanja na period odbrane domovine, kao i društvenom životu lokalne zajednice.

Zbog svega navedenog, pozivamo da se u najkraćem mogućem roku:

1.Procijeni stvarna šteta u prostorijama Udruženja,

2.Izdvoje potrebna finansijska sredstva iz općinskog budžeta za njihovu hitnu sanaciju, te

3.Planira trajno rješenje kako bi se spriječilo ponovno ugrožavanje prostora

Molimo za urgentno postupanje i uvrštavanje ove inicijative u prioritetne aktivnosti nadležnih službi.

-vijećnik Damir Filipović-

1. Inicijativa za hitno uklanjanje nepropisno odloženog otpada u ulici Žrtava fašizma

Inicijativa: Predlažem da nadležne općinske službe, u saradnji s komunalnim preduzećem "Rad", bez odlaganja organizuju uklanjanje otpada koji se kontinuirano i nepropisno odlaže pored kontejnera u ulici Žrtava fašizma.

Obrazloženje:

Na ovoj lokaciji se već duži period stvara divlja deponija, što ugrožava zdravlje stanovnika, narušava izgled naselja i pogoduje širenju zaraza – naročito u kontekstu aktuelne epidemije u Sarajevu. Stanovnici svakodnevno izražavaju zabrinutost, a problem se pogoršava usljed nedostatka adekvatnog nadzora i sankcionisanja neodgovornog ponašanja. Hitna intervencija je neophodna kako bi se zaštitilo javno zdravlje i očuvala komunalna higijena.

2. Inicijativa za povećanje broja kanti za otpatke u parkovima i na zelenim površinama naselja Otoka
Inicijativa: Predlažem da se izvrši analiza postojećeg stanja i poveća broj kanti za otpatke u parkovima i na zelenim površinama mjesne zajednice Otoka.

Obrazloženje:

Nedovoljan broj kanti za smeće rezultira čestim bacanjem otpada na tlo, što narušava izgled javnih površina i otežava njihovo održavanje. Građani koji redovno koriste parkove i zelene površine za odmor, rekreaciju ili boravak sa djecom ističu da je postojeća infrastruktura nedovoljna. Ova inicijativa ima za cilj unaprijediti komunalni red, zaštititi okoliš i potaknuti kulturu odgovornog ponašanja prema javnom prostoru.

3. Inicijativa za postavljanje fizičke barijere ispod mosta "Congressman McCloskey"

Inicijativa:

Predlažem da se ispod mosta "Congressman McCloskey" postavi fizička barijera ili na drugi način onemogući okupljanje migranata na toj lokaciji.

Obrazloženje: Noćna zadržavanja i okupljanja migranata ispod mosta izazivaju osjećaj nesigurnosti, naročito kod mladih i djece koji se vraćaju kućama u večernjim satima. Iako razumijemo kompleksnost migrantske situacije, općina ima obavezu osigurati mir, red i sigurnost svojim građanima. Postavljanje barijere spriječilo bi neformalna okupljanja i doprinijelo većem osjećaju sigurnosti lokalnog stanovništva. Dodatno, ovom intervencijom bi se prostor zaštitio i od moguće devastacije.

SEKRETAR
OPĆINSKOG VIJEĆA

Elvir Kosovac, dipl. pravnik

DOSTAVITI:

1. Naslovu
2. Predsjedavajući Općinskog vijeća
3. a/a